

आकाशवाणी जम्मू

Evening Dogri News Bulletin,  
09- March.- 2026 समे 18:15 Hrs

## Headlines

- बक्ख-बक्ख विधायकें अज्ज मुखमन्त्री उमर अब्दुल्ला हुंदे कन्नै मलाटी कीती ते विकास सरबन्धी बक्ख-बक्ख मुहें गी उन्दे अगगे रखेआ।
- उपमुखमन्त्री सुरिंदर चौधरी होरें जम्मू च JKPCC दफ्तर दा चानचक्क दौरा लाया ते मैहकमे दी कारकरदगी ते चला रदी परियोजनाएं दी समीक्षा कीती।
- सेहत मन्त्री स्कीना इत्तू होरें जम्मू-कश्मीर मैडिकल सप्लाई कारपोरेशन लिमिटेड दे कम्मकाज दा जायजा लैता ते अस्पतालें च दोआइयें दी सप्लाई च गुणवत्ता दी जांच ते लगातार निगरानी बनाई रखने दे निर्देश दिते।
- जम्मू-कश्मीर ट्रांसपोर्ट कमीशनर विशेषपाल महाजन होरें आखेआ जे पिच्छले 10एं दिनें दौरान ट्रैफिक नियमें दी खलाफवर्जी करने आलें खलाफ कार्रवाई दे तैहत 3 सौ लाईसेंस रद्द कीते गे न ते 7 सौ आर.सी. Suspend कीती गेइयां न।
- मौसम विभाग नै आखेआ ऐ जे कल्लै थमां लेइयै 12 मार्च तगर प्रदेश दी केई थाहरें पर आमतौरा पर बदल घनोए दे रौहने दी संभावना ऐ ते उच्चियें धारें पर हौली बरखा ते बर्फवारी होई सकदी ऐ।

<><><><><><>

## MLA's Meet CM

बक्ख-बक्ख पार्टियें दे केई विधायकें अज्ज मुखमन्त्री उमर अब्दुल्ला हुंदे कन्नै मलाटी कीती ते अपने-अपने हलकें च विकास कम्में ते लोक कल्याण कन्नै जेडे दे मुहें पर चर्चा कीती। मीटिंग दौरान विधायकें- अपने-अपने इलाकें थमां लोकें दियें चिंताएं गी मुखमन्त्री हुंदे अगगे रखेआ- जिंदे च बुनियादी ढांचागत विकास- सार्वजनिक सेवाएं दी

उपलब्धता ते कल्याणकारी स्कीमें गी लागू करने सरबंधी बक्ख-बक्ख मुद्दें शामिल न। विधायकें लोकें दियें मंगें दा फौरी तौरा पर नबेड़ा करने दी अपील कीती- तां जे इस गल्लै गी यकीनी बनाया जाई सकै जे लोकें तगर बेल्ले सिर फायदा पुज्जी सकै। मुखमंत्री होरें विधायकें गी भरोसा दोआया जे सरकार लोकें दियें जायज चैंताएं गी दूर करने लेई वचनबद्ध ऐ।

<><><><><><>

## Dy. CM- JKPC Visit (Byte)

उपमुखमंत्री सुरिंदर चौधरी अज्ज जम्मू च जम्मू-कश्मीर परियोजना निर्माण निगम दे दफ्तर दा चानचक्क दौरा लाइयै मैहकमे दे कम्मकाज ते चला'रदी परियोजनाएं दी प्रगति दा जायजा लैता। दौरे दौरान उपमुखमंत्री होरें दफ्तर दा मुआयना कीता ते निगम आसेआ चलाए जा'रदे बक्ख-बक्ख विकास कम्में दी अमलावरी ते स्थिति बारे अधिकारियें कन्नै गल्लबात कीती। उ'नें परियोजनाएं गी पारदर्शिता कन्नै समें-सिर पूरा करने दी जरूरतै पर जोर पाया। उ'नें सरबंधत अधिकारियें गी निर्देश दिते जे ओह इस गल्लै गी यकीनी बनान जे सब्बनें परियोजनाएं गी तय समें-सर दे अंदर-अंदर पूरा कीता जा ते गुणवत्ता दे मानकें गी यकीनी बनाया जा। पत्रकारें कन्नै गल्लबात करदे होई उपमुखमंत्री होरें गलाया

<><><><><><>

## Itoo -JKMSCL

सेहत मंत्री स्कीना इत्तू होरें जम्मू-कश्मीर च सेहत सुविधाएं लेई दोआइयें ते मैडिकल उपकरणें दी खरीद ते आपूर्ति च गुणवत्ता दी जांच ते जवाबदेही गी बरकरार रखने दी जरूरतै पर जोर दिंदे होई आखेआ जे मरीजें दी सुरक्षा- सरकार दी सब्बनें शा बड्डी प्राथमिकता ऐ। मंत्री इत्तू होरें एह गल्ल जम्मू-कश्मीर मैडिकल सप्लाई कारपोरेशन लिमिटेड दी कारकरदगी दा जायजा लैने लेई सिविल सचिवालय च इक उच्चि सतह दी समीक्षा बैठक दी अध्यक्षता करदे होई आक्खी। इस दौरान मंत्री होरें निगम दी जिम्मेदारियें पर बी लौऽ पाई ते आखेआ जे जम्मू-कश्मीर मैडिकल सप्लाई कारपोरेशन लिमिटेड सरकारी सेहत संस्थानें च दोआइयां- सर्जिकल चीजां ते मैडिकल उपकरणें दी समें-सिर उपलब्धता यकीनी बनाइयै सार्वजनिक सेहत सेवा प्रणाली च महत्वपूर्ण भूमिका अदा करदा ऐ।



## Blood Donation Camp (2 Bytes)

केन्द्रीय रिजर्व पुलस बल नै अपने 87में स्थापना दिवस दे सरबंध्यै च हीरानगर मुख्यालय, कठुआ ते पुंछ च रक्तदान शिवर दा सरिस्ता कीता। सी.आर.पी.एफ दी 121 बटालियन नै जी.एम.सी. कठुआ दे सहयोग कन्नै रक्तदान शिवर लाया- जित्थे जोआनें रक्तदान कीता। एह शिवर कमांडेंट अरविंद सिंह हुंदे मार्गदर्शन च लोआया गेआ- जिसले कि एदी अगुआई डिप्टी कमांडेंट संदीप सिंह होरें कीती। इस बारे होर मती जानकारी दिंदे होई कमांडेंट अरविंद सिंह होरें आखेआ

इससै चाली इक होर शिवर पुंछ च बी लोआया गेआ। इस जन्न बारे होर जानकारी दिंदे होई पुंछ जिला अस्पताल दे मैडिकल Superintend होरें आखेआ



## MVD- Enforcement Drive

जम्मू-कश्मीर दे ट्रांसपोर्ट कमीशनर विशेष पाल महाजन होरें आखेआ ऐ जे मैहकमे आसेया जम्मू-कश्मीर च इक खास मुहीम शुरु कीती गेई ऐ। सोशल मीडिया दी इक पोस्ट “एक्स” पर महाजन होरें आखेआ जे इस मुहीम दा मकसद उ’नें लोकें दे लाइसेंस रद्द करना जां आर.सी. गी Suspend करना ऐ जेडे आम तौर पर नियमें दी खिलाफवर्जी करदे न- जां फही इसी अपनी आदत बनाई लैते दा ऐ। उ’नें आखेआ जे आर.टी.ओ जम्मू- आर.टी.ओ कठुआ ते आर.टी.ओ कश्मीर आसेया इस मुहीम दी निगरानी कीती जा’रदी ऐ। उ’नें दस्सेया जे पिच्छले 10 दिनें दौरान 3 सौ लाइसेंस ते 7 सौ आर.सी. Suspend कीतियां गेइयां न। उ’नें लोकें गी नियमें दी पालमा करने दी अपील कीती।



## Free Eye Glasses (Byte)

सेहत मैहकमे आसेआ पुंछ दे जिला अस्पताल च मरीजें च मुफ्त चश्में बंडे गो। एह कारवाई दृष्टीहीण ते दिक्खने च कसरी लोकें सरबंधी राश्ट्रीय कार्यक्रम तैहत चलाई गई। इस दौरान केंई सारे मरीजें जिंदे च नजरी सरबंधी समस्या सामने आईयां- उनें'गी मुफ्त चश्में दिते गो- तां'जे उ'नेंगी सहूलत होई सकै। एह जत्त सरकार आसेआ चलाई जा'रदी कारवाई दा हिस्सा ऐ- जेदे तैहत मरीजें गी सुविधा दिती जा'रदी ऐ। एदा मकसद बेहतर सेहत सेवा गी बढावा देना ऐ। पुंछ दे जिला अस्पताल दे मैडिकल Superintendent होरें इस बारे होर मती जानकारी दिंदे होई आखेआ



## Drug Control Ramban (Byte)

रामबन च नशीलें पदार्थें दी रोकथाम सरबंधी मैहकमे आसेआ मैडिकल दियें दुकानें- Courier सेवा ते सेहत सरबंधी दिक्खभाल आहली सुविधाएं आली थाहरें पर नियमित तौर पर जांच ते निरिक्षण कीता जा'रदा ऐ। इस मुहीम दा मकसद आदत लग्गी सकने आहली दोआइयें- मानसिक तौर पर कसरी लोकें गी दिती जाने आहली दोआइयें दी बिक्री पर तक्क-रक्खने ते सी.सी.टी.वी निगरानी गी यकीनी बनाना ऐ। पुलस ते होर सरबंधी अफसरें कन्नै हाल च गूल- बनिहाल ते संगलदान च जांच कीती गई। इनें निरिक्षणें दा मकसद गैर-कनूनी तौर पर दोआइयें दी बिक्री गी रोकना- इंदी गैर कनूनी आवा-जाई पर रोक लाने ते आम लोकें दी सेहत दी सुरक्षा यकीनी बनाना ऐ। इस बारे होर मती जानकारी दिंदे होई रामबन दे असिस्टेंट ड्रग रामबन संजीव कुमार गुप्ता होरें आखेआ



## Weather

मौसम विभाग नै कल्लै थमां मार्च 12 तगर केन्द्र शासित प्रदेश दियें केंई सारी थाहरें पर हल्की बरखा ते बर्फबारी होने दी पेशगोई कीती ऐ। इत्थै नेह हालात 12 मार्च तगर बने दे रौहडन। 13 थमां 15 मार्च बश्कार मौसम आम तौर पर खुशक रहौगा। 16 मार्च थवां 18 मार्च बश्कार मौसम आमतौर पर बदलोखडा रहौगा ते किश उच्चियें धारें

पर हल्की बरखा ते बर्फबारी होई सकदी ऐ। मौसम विभाग नै 12 मार्च तगर मती सारी थाहरें पर तापमान च 4 थवां 6 डिग्री सैलसियस तगर दी गिरावट औने दी पेशगोई कीती ऐ। मौसम बारे होर मती जानकारी दिंदे होई सरबंधी अधिकारी नै आखेआ

<><><><><><>